

ՀԱՄԱՌՈՏ ԼՈՒՐԵՐ ՄԱՅՐ ՀԱՅՐԵՆԻՔԻՑ

ՑՈՒՑԱՀԱՆԴԵՍՆԵՐ

Գ. ԲԱՇԽՆԶԱՂՅԱՆԻ ՍՏԵՂԵԱԳՈՐԾՈՒԹՅՈՒՆՆԵՐԻ ՑՈՒՑԱՀԱՆԴԵԱԼ.— Մայիսի 20-ին երևանում, Հայկական ՍՍՌ պետական պատկերասրահում բացվեց հայ ռեալիստական նկարչության նշանավոր դեմքերից մեկի՝ բնանկարիչ Գեորգ Բաշինջաղյանի գործերի ցուցահանդեսը:

Ցուցահանդեսում ներկայացված է նկարչի 132 բնանկար՝ կատարված 1883-ից մինչև 1924 թվականը: Տարբեր մեծության այդ բոլոր կտավներն արտացոլում են Հայաստանի և Անդրկովկասի ամենազեղատեսիլ վայրերը, լիրիկական ջերմությամբ արտահայտում հարազատ բնաշխարհի հմայքն ու գեղեցկությունը:

Գ. Բաշինջաղյանը բնության պասսիվ վերարտադրողը չի եղել: Նա խորապես իմաստավորել է իր ստեղծագործությունը, բովանդակություն է դրել իր կտավներում: Այդ բովանդակությունը հայրենասիրությունն է, վարակիչ սերը դեպի հայկական ու վրացական բնաշխարհը: Այդպիսին են «Վաղ զարուհ», «Կապրեկ», «Բիլիջանի ճանապարհը», «Գարիալի կիրճը», «Սևանահիւսի կիրճը», «Ճանապարհ Ախալցխայից Արասթուման» և շատ ուրիշ գործեր:

Հայ գեղանկարչության մեջ թերևս ոչ ոք այսպիսի խորությամբ չի արտացոլել Արարատ լեռան ու Սևանա լճի թեման, ինչպիսի Գ. Բաշինջաղյանը: Տարվա ամենատարբեր եղանակներին, օրվա ամենատարբեր պահներին տաղանդավոր նկարիչը իրեն հատուկ վարպետությամբ ու ջերմ վերաբերմունքով վերարտադրել է Սևանն ու Մասիսը, ստեղծելով հայ բնանկարչին նկարչության լգեբազանցված օրինակներ:

ՑՈՒՑԱՀԱՆԴԵՍՆԵՐ ՆՎԻՐԱԿՍ ԶԱԿՈՐ ՊԱՐՈՆՑԱՆԻՆ.— Հայ խոշորագույն երգիծաբան, Հակոբ Պարոնյանի մահվան 60-ամյակի առթիվ ցուցահանդես բացվեց Հայկական ՍՍՌ Ալեքսանդր Մյասնիկյանի անվան պետական հանրային դրադարանում:

Այստեղ ցուցադրված են մեծ գրողի տարբեր ստեղծագործություններում տպագրված ստեղծագործությունները, սովետական շրջանում հրատարակված երկերի լիակատար ժողովածուի հատորները, առանձին գրքեր և ուսումնասիրություններ՝ նվիրված գրողի կյանքին ու ստեղծագործությանը:

Այցելուները հետաքրքրությամբ են ծանոթանում հանճարեղ երգիծաբանի բարձր արվեստով գրված այն ստեղծագործություններին, որոնց մեջ արտացոլվել են 19-րդ դարի 70—80-ական թվականների արևմտահայ իրականության համարյա բոլոր ներուժայինները:

ԶԱԿՈՐ ԶԱԿՈՐՑԱՆԻՆ ՆՎԻՐԱԿՍ ՑՈՒՑԱՀԱՆԴԵՍ.— Ալեքսանդր Մյասնիկյանի անվան Պետական հանրային դրադարանում բացվեց հայ պրոլետարական գրականության հիմնադիր Հակոբ Հակոբյանի ծննդյան 85-ամյակին նվիրված ցուցահանդեսը:

Ցուցատախտակների վրա գեղեցիկ են նշանավոր բանաստեղծի գործունեության վերաբերյալ բազմաթիվ ֆոտոնատներ:

Գրադարանը «Հիշարժան տարեթվերի օրացույց» շարքով լույս է բնծայել, նաև հերթական օրացույց-թերթիկ՝ նվիրված բանաստեղծի ծննդյան 85-ամյակին:

ՆԻՇԱՏԱԿԻ ԵՎ ԳԵՂԱՐՎԵՍՏԱԿԱՆ ԵՐԵԿՈՆԵՐ, ԶԱՄԵՐԳՆԵՐ

ՓԱՆՈՍ ԹԵՐԼԵՄԵՋՅԱՆԻ ՄԱՀՎԱՆ 10-ԱՄ. ՑԱԿԻՆ ՆՎԻՐԱԿՍ ԵՐԵԿՈ.— Մայիսի 10-ին երևանի Արվեստի աշխատողների տանը տեղի ունեցավ երեկո՝ նվիրված հայ մեծանուն նկարիչ Փանոս Թերլեմեզյանի մահվան 10-ամյակին:

Ժողովրդական նկարչի հիշատակը հարգելու էին եկել նկարիչներ, քանդակագործներ, Գեղարվեստական ինստիտուտի և ուսումնարանի ուսանողներ, արվեստի այլ բնագավառների աշխատողներ:

Փանոս Թերլեմեզյանի կյանքի և ստեղծագործության մասին զեկուցեց Ե. Մարտիկյանը:

ՍԻՄԱԿ ՍԱՀԱԿՅԱՆԻ ՄԱՆԿԱՎԱՐՓԱԿԱՆ ԳՈՐԾՈՒՆԵՐՈՒԹՅԱՆ 50-ԱՄՅԱԿԻՆ ՆՎԻՐԱԿՍ ԵՐԵԿՈ.— Մայիսի 27-ին, Ուսուցչի տանը, հանդիսավոր իրադրության մեջ նշվեց վաստակավոր ուսուցիչ, Հայկական ՍՍՌ Գերագույն Սովետի նախագահ Սիմակ Սա-

հակյանի մանկավարժական գործունեության 50-ամյակը:

Ուսուցչի տանն էին հավաքվել Երևանի մտավորականության ներկայացուցիչներ և Սահակյանի բազմաթիվ աշակերտներ:

Սիմակ Սահակյանի կյանքի և մանկավարժական գործունեության մասին ղեկուցեց վաստակավոր ուսուցչուհի Մ. Հայկազունին, վեր հանելով հոբելյարի 50 տարվա մանկավարժական արդյունավետ աշխատանքը և պետական ու հասարակական գործունեությունը:

Սիմակ Սահակյանին, նրա մանկավարժական գործունեության 50-ամյակի առթիվ, ողջունեցին Հայկական ՍՍՌ Լուսավորության մինիստրության, Հայկական ՍՍՌ Գերագույն Սովետի և այլ կազմակերպությունների ներկայացուցիչները:

Վերջում հոբելյարը ջերմ շնորհակալություն հայտնեց իրեն արժանացրած պատվի համար:

ՍՈՎԵՏԱՀԱՅ ՊՈՆՁԻԱՅԻ ԵՐԵՎԱՆԵՐ.— Ապրիլի 3-ին և 6-ին, մայրաքաղաքի բարձրագույն դպրոցների ուսանողության և երիտասարդության համար, Հայֆիլհարմոնիայի համերգային դահլիճում կայացան սովետահայ պոեզիայի երեկոներ: Բացման խոսքով հանդես եկավ Հայֆիլհարմոնիայի գրական բաժնի վարիչ է. Խոջիկը: Շուրջարի և խաղաղության պոեզիան թեմայով ղեկուցում կարդաց Վ. Մնացականյանը, որը բնութագրեց վերջին տարիների ընթացքում սովետահայ բանաստեղծների ձեռք բերած հաջողությունները:

Իրենց նոր ստեղծագործությունների ընթերցմամբ հանդես եկան Հր. Հովհաննիսյանը, Ս. Կապուտիկյանը, Մ. Մարգարյանը և Հ. Շիրազը, որոնց ներկա գտնվողներն ընդունեցին ջերմությամբ:

Սովետահայ պոեզիայի լավագույն նմուշներն արտասանեցին Թ. Դեմուրյանը, Ե. Քալանթարը, Վ. Մովսիսյանը և Հ. Գարագաշը:

ԴԵՐԱՍԱՆ ԳԵՈՐԳ ՋՄԵԿՅԱՆԻՆ ՆԿԻՐՎԱԾ ԵՐԵՎԱՆ.— Հայաստանի Թատերական ընկերությունում կայացավ երեկո՝ նվիրված հայ խոշորագույն դերասան Գեորգ Չմշկյանին:

Երեկոն բացեց պրոֆ. Լ. Քալանթարը: Չմշկյանի պատմական նշանակությունը բնութագրող ղեկուցումով հանդես եկավ Ի. Զարյանը: Բնութագրելով Չմշկյանին որպես Թատերական խոշոր գործիչ և մեծ դերասանի, ղեկուցողը գնահատեց նրան որպես անցյալ դարի 60—70-ական թվերի առաջավոր դերասանական սերնդի գաղափարական պարագլխի, որի ղեակիստական ստեղծագործությունը, խորապես կապված լինելով

ժողովրդի հետ, տողորված իր ժամանակի ազատագրական իդեալներով, հայ ազգային բեմական արվեստի հիմքերից մեկը՝ շանդիսացավ:

Այնուհետև ելույթ ունեցան Ս. Հարությունյանը և Ա. Բարայանը, իսկ ղեկավարվածությամբ Գանդես Եկան ժողովրդական արտիստներ Ա. Ավետիսյանը և Գ. Զանիրեկյանը, Թատերական ինստիտուտի ուսանողները ներկայացրին մի գործողություն՝ Ռանդաթ օշախա պիեսից:

ԵՂԻՇՆ ԹԱԴԵՎՈՍՅԱՆԻ ՀԻՇԱՏԱԿՆԻ ՆԵՐՎԱԾ ԵՐԵՎԱՆ.— Լրացավ հայ դեղանկարչության ականավոր դեմքերից մեկի՝ տաղանդավոր նկարիչ Եղիշե Թադևոսյանի մահվան 15-ամյակը:

Արվեստի աշխատողների տանը տեղի ունեցավ նկարչի հիշատակին նվիրված երեկո: Թադևոսյանի կյանքի և ստեղծագործության մասին ղեկուցեց արվեստի վաստակավոր գործիչ Ի. Դրամբյանը:

— Վաղարշապատի ջրաղացայանի որդի Ե. Թադևոսյանն իր ղեկավարվածությամբ կրթությունն ստացել է Մոսկվայում, — ասող ղեկուցողը, — աշակերտելով ժամանակի սուս առաջավոր նկարիչներին, Դեմես ուսանողական տարիներին նա մեծ համարվ է ձեռք բերում, արժանանում մի շարք մրցանակների՝ Նշանակալից են անցյալ դարի 90-ական թվականներին ստեղծած նրա գործերը: ՇՀայրենի ափերին, Եկանքի դպրոցում, Եկեսօրվա ճաշ և այլ կտավներում նա ղեակիստորեն պատկերել է հայ ժողովրդի դառը կյանքը, գաղթականության ծանր վիճակը: Իր ստեղծագործությունների մեջ նա շարունակում է առաջական նկարչության լավագույն ավանդությունները՝ հայ կերպարվեստում:

1901 թվին նկարիչն իր նյութական աննպաստ վիճակը բարելավելու համար տեղափոխվում է Թբիլիսի, ուր և ապրում է մինչև կյանքի վերջը, դասավանդելով տեղի դպրոցներում: Այդ տարիներին՝ մինչև Մեծ Հոկտեմբերը նրա ստեղծագործությունների մեջ ղգացվում է հակառեակիստական ուղղությունների ազդեցությունը, նա տուրք է տալիս անկումային տրամադրություններին. սակայն Անդրկովկասում սովետական կարգերի հաղթանակը նոր բեկում է առաջացնում Թադևոսյանի արվեստի մեջ, նա կրկին հանդես է գալիս որպես իսկական ղեակիստ, Սովետական շրջանում նրա ստեղծած գործերից առանձնապես ուշագրավ են Հովհ. Թումանյանի, Կոմիտասի, Շիրվանզադեի և Հ. Հակոբյանի բարձրարվեստ դիմանկարները:

Արվեստի աշխատողների տանը ցուցադրված էին անվանի նկարչի մի շարք դիմանկարները:

ՀԱՐՈ ՍՏԵՓԱՆՅԱՆԻ ՍՏՆՂԾԱԳՈՐԾՈՒԹՅՈՒՆՆԵՐԻ ԵՐԵՅՈՒՆ.— Ապրիլի 11-ին երեկոյան Արվեստի աշխատողների տանը տեղի ունեցավ Ստանյանի մրցանակի լաուրեատ, արվեստի վաստակավոր դործիչ, կոմպոզիտոր Հարո Ստեփանյանի ստեղծագործական երեկոն:

Ներկա էին կոմպոզիտորներ, երաժշտադետներ, զրոգներ, նկարիչներ, արվեստի այլ բնագավառների և մտավորականության ներկայացուցիչներ:

Կոմպոզիտոր Ա. Սաթյանի բացման խոսքից հետո Հարո Ստեփանյանի կյանքի և ստեղծագործական ուղու մասին զեկուցեց արվեստի վաստակավոր դործիչ Ս. Գասպարյանը:

Երեկոյի երկրորդ բաժնում արվեց ճոխ համերգ Հարո Ստեփանյանի ստեղծագործություններից, որին մասնակցեցին արտիստներ Լ. Մամաջանյանը, Հ. Տեր-Ղևոնդյանը, Գ. Աղամյանը, Մ. Մխիթարյանը, Հ. Բողոտանյանը և Ալեքսանդր Սպենդիարյանի անվան պետական կվարտետը:

ՍՊԵՆԴԻԱՐՅԱՆԻ ԱՆՎԱՆ ԿՎԱՐՏԵՏԻ ՍՏՆՂԾԱԳՈՐԾԱԿԱՆ ԵՐԵՅՈՒՆ.— Արվեստի աշխատողների տանը տեղի ունեցավ Ալեքսանդր Սպենդիարյանի անվան պետական լարային կվարտետի ստեղծագործական երեկոն: Արվեստագիտության ղոկտոր, արվեստի վաստակավոր դործիչ Գ. Տիգրանյանն իր ներածական խոսքի մեջ համառոտակի զծեց կվարտետի անցած ստեղծագործական ուղին:

Զեկուցումից հետո համերգով հանդես եկավ Սպենդիարյանի անվան կվարտետը, որ իր տարեց իր ծրագրի լավագույն համարները՝ Զայկովսկու, Կոմիտասի, Սպենդիարյանի, Շուպերտի, Սմետանայի, երիտասարդ կոմպոզիտոր Էդ. Ջրբաշյանի և ուրիշների ստեղծագործությունները:

ՀԱՆԴԻՍԱՎՈՐ ՆԻՍ ՆՎԻՐՎԱԾ Վ. Մ. ՄՈՒՂՏՈՎԻ ԱՆՎԱՆ ՊԵՏԱԿԱՆ ՀԱՄԱԿԱՐԱՆԻ 30-ԱՄՅԱԿԻՆ.— Մայիսի 26-ին, Ալեքսանդր Սպենդիարյանի անվան օպերայի և Բալետի թատրոնում տեղի ունեցավ հանդիսավոր նիստ՝ նվիրված Վ. Մ. Մուրտուզի անվան Երևանի պետական համալսարանի հիմնադրման 30-րդ տարեդարձին:

Ռեսպուբլիկայի խոշորագույն ուսումնական հաստատության տարեդարձը նշելու համար թատրոնի դահլիճն էին հավաքվել պետական կազմակերպությունների և գիտա-

կան հաստատությունների ներկայացուցիչներ, արվեստի ու գրականության աշխատողներ, բանվորներ, ուսանողներ:

Պետական համալսարանի անցած 30 ամյա նվաճումների մասին զեկուցումով հանդես է գալիս համալսարանի ռեկտոր Գ. Պետրոսյանը:

Ողջույնի խոսքերով հանդես են գալիս նաև Հայկական ՍՍՌ Գիտությունների ակադեմիայի կողմից ակադեմիայի վիցե-պրեզիդենտ Մ. Ներսիսյանը, Հայկական ՍՍՌ էության ուղիղության միջնորդության կողմից Լուսավորության միջնորդ Ս. Միքայելյանը, Երևանի քաղաքագույն ուսումնական և գիտահետազոտական հաստատությունների կողմից՝ Հայկական ՍՍՌ Գիտությունների ակադեմիայի իսկական անդամ Լ. Հովհաննիսյանը:

30-ամյակի կապակցությամբ Երևանի Պետական համալսարանի հասցեով ստացվել են բազմաթիվ ողջույնի հեռագրեր, այդ թվում՝ Մոսկվայի, Լենինգրադի, Նարկովի, Քրիլիսի, Բաքվի, Տաշքենդի, Սվերդլովսկի համալսարաններից, ակադեմիկոս Կոստինսկուց, բանակի գեներալ Ի. Բադրամյանից, զրոգ Մ. Շահինյանից, ֆիզիոլոգ Լ. Հասրաթյանից և այլն:

ՊԵՏԱԿԱՆ ՀԱՆՐԱՅԻՆ ԳՐԱԴԱՐԱՆԻ ՀԻՄՆԱԳՐՄԱՆ 30-ԱՄՅԱԿԻՆ ՆՎԻՐՎԱԾ ՀԱՆԴԻՍԱՎՈՐ ՆԻՍ.— Հունիսի 25-ին Հայֆիլհարմոնիայի համերգային զահլիճում տեղի ունեցավ Հայկական ՍՍՌ Ալեքսանդր Մյասնիկյանի անվան Պետական հանրային գրադարանի հիմնադրման 30-ամյակին նվիրված հանդիսավոր նիստ:

Հանդիսավոր նիստը բացեց Հայկական ՍՍՌ Միջնորդների Սովետին կից Կուլտուրալուսավորական հիմնարկների գործերի կոմիտեի նախագահ Հովհ. Բաղդասարյանը:

Գրադարանի գոյության 30-ամյակի մասին զեկուցեց գրադարանի դիրեկտոր Ա. Ստեփանյանը:

Գրադարանի 30-ամյակը ողջունեցին Հայկական ՍՍՌ Գիտությունների ակադեմիայի, Վրացական ՍՍՌ Կ. Մարքսի անվան Պետական հանրային գրադարանի, Արթուրյան անվան ՍՍՌ Ախունդովի անվան Պետական հանրային գրադարանի և այլ կազմակերպությունների ներկայացուցիչներ:

ՈՒՍՄԱՆ ԲՆԱԳԱՎԱՌՈՒՄ

ՄԱՆԿԱՎԱՐԺՈՒԹՅԱՆ ՆՈՐ ՄԱՍՆԱԳԵՏՆԵՐ.— Ընթացիկ տարում բարձրագույն ուսումնական հաստատությունները և մանկավարժական ուսումնարանները դպրոցների կտան մոտ 1.300 դասատուներ, որոնցից ավելի քան 700-ը բարձրագույն կրթությամբ և ավելի քան 500-ը՝ միջնակարգ։

Հայկական ՍՍՌ Լուսավորության մինիստրությունն արդեն ավարտել է մանկավարժության նոր մասնագետների տեղաբաշխումը։ Երիտասարդ դասատուների մեծ մասը աշխատելու է ռեսպուբլիկայի շրջանների տարրական, յոթնամյա և միջնակարգ դպրոցներում։

ԵՐԵՎԱՆԻ ՕՏԱՐ ԼԵՋՈՒՆԵՐԻ ԻՆՍՏԻՏՈՒՏԻ ԵՐԶԱՆԱՎԱՐՏՆԵՐԸ.— Երևանի Օտար լեզուների պետական մանկավարժական ինստիտուտը տվեց իր հերթական՝ 3-րդ շրջանավարտները՝ թվով 114 մարդ։ Շրջանավարտներն ուղարկված են Հայկական ՍՍՌ Լուսավորության մինիստրության տրամադրության տակ, և արդեն ստացել են նշանակումներ։ Ինստիտուտն ավարտածների մեծ մասը մեկնելու է շրջանները մանկավարժական աշխատանք կատարելու համար։

ԱՆԱՄՆԱՐՈՒԾՈՒԹՅԱՆ ՄԱՍՆԱԳԵՏՆԵՐԻ ՆՈՐ ԶՈՒՄՏ.— Երևանի Զոռանասնարուժական ինստիտուտը տվեց իր հերթական շրջանավարտները։ Ինստիտուտն ավարտեցին 68 անասնաբույժներ։ Անասնաբուժության երիտասարդ մասնագետները ուղարկվում են ռեսպուբլիկայի բոլոր շրջանները։ Շրջանավարտների մի մասը աշխատելու է Ուկրաինական ՍՍՌ-ում, Ադրբեյջանական ՍՍՌ-ում, Վրացական ՍՍՌ-ում և Կրասնոդարի երկրամասում։

ԳՅՈՒՂԱՏՆՏԵՍՈՒԹՅԱՆ ՆՈՐ ՄԱՍՆԱԳԵՏՆԵՐ.— Երևանի Գյուղատնտեսական ինստիտուտը տվեց իր հերթական շրջանավարտները։ Գյուղատնտեսության նոր, երիտասարդ մասնագետները՝ թվով 115 մարդ, որոնցից 59-ը դաշտավարներ են, մյուսները՝ այգեգործներ, ռեսպուբլիկայի շրջաններն են մեկնելու մշտական աշխատանքի։

ՈԱՍՈՒՑԻՉՆԵՐԻ ՈՐԱԿԱՎՈՐՄԱՆ ԴԱՍԸՆԲԱՑՆԵՐ.— Հայկական ՍՍՌ Լուսավորու-

թյան մինիստրության Ուսուցիչների կատարելագործման ինստիտուտը ռեսպուբլիկայի մի շարք քաղաքներում և շրջանային կենտրոններում կազմակերպել է ուսուցիչների որակավորման մեկամսյա դասընթացներ։

Դասընթացներում սովորում են մասսայական դպրոցների ավելի քան 1.000 ուսուցիչ։ Դասընթացներում ավանդվում են մանկավարժություն, մեթոդիկա և այլ առարկաներ։

Հունիսի 20-ից Երևանում, Լենինականում, Կիրովականում և Նոր Բայազետում սկսեցին դուրծել նաև 5—10-րդ դասարանների հայտը, ուսաց լեզուների, ֆիզիկայի, մաթեմատիկայի, պատմության, աշխարհագրության, քննադիտության, քիմիայի և այլ առարկաների դասատուների, ինչպես նաև դիրեկտորների, ուսմասվարների և դպրոցական ցանցի այլ աշխատողների որակավորման մեկամսյա դասընթացներ։

Այս դասընթացներում դասավանդում են ռեսպուբլիկայի բարձրագույն ուսումնական հաստատությունների դասախոսներ և գիտաշխատողներ։

Այս տարի ուսուցիչների որակավորման դասընթացներում սովորում են մոտ 3.000 ուսուցիչ և ժողովրդական կրթության ցանցի այլ աշխատողներ։

ԴԱՍԱԳՐՔԵՐ ԴՊՐՈՑՆԵՐԻ ՀԱՄԱՐ.— Հայաստանի Պետական հրատարակչությունը դպրոցականների համար մինչև նոր ուսումնական տարին լույս է ընծայելու 82 անուն դասագիրք՝ ավելի քան երկու միլիոն օրինակ ընդհանուր տիրաժով։ Արդեն հրատարակվել են 44 անուն դասագրքեր։

Զգալիորեն ավելացվում է մեթոդական գրականության, ծրագրերի, ուսուցչական ձեռնարկների հրատարակչությունը նոր ուսումնական տարվա համար։

ԵՐԱԺՇՏԱԿԱՆ ՆՈՐ ՈՒՍՈՒՄՆԱՐԱՆ.— Երաժշտական դպրոցի բազայի վրա Կիրովականում բացվել է երաժշտական նոր ուսումնարան։ Առաջին կոպուսով 1951—1952 ուսումնական տարում կսովորեն 30 մարդ, որոնց թվում երաժշտական դպրոցի այս տարվա շրջանավարտները։

ՌԵՍՊՈՒԲԼԻԿԱՅԻ ՀԱՆԳՍՏՅԱՆ ՏՆԵՐՈՒՄ ԵՎ ԲՈՒԺԱՐԱՆՆԵՐՈՒՄ

ԵՐԵՎԱՆԻ ՄԱՆԿԱԿԱՆ ԵՐԿԱԹՈՒՂՈՒՄ.— Մայիսի 2-ին բացվեց Երևանի Մանկական երկաթուղու սեզոնը։ Գնացքի վագոնները նորադրած են, կայարանների թիվն ավելացել է, գնացքը երթնելով է «Պիոներական»

կայարանից մինչև «Ուրախություն» և «Արեւիկա» կայարանները։ Երկաթուղին սպասարկում են պատանի երկաթուղայինների դասընթացներն ավարտած ավելի քան 250 պիոներ-դպրոցականներ։ Երկաթուղում

ստեղծված է ներքին ազդիտ-հանգույց, կազմակերպված է երկաթուղային տեխնիկական տնտեսական խումբով:

Բարեկարգված է մանկական երկաթգծի կուլտուրայի և հանգստի զարգացումը, կարգավորված են ծառայողները, գլխավոր մուտքի աստիճանների աջ և ձախ փողմերը կանաչապատված են:

Այգում ելույթներ ունեցան էստրադային, փողային նվագախմբերը, ժողովրդական պրծիքների խմբերը, ինչպես նաև Պիոներների պալատի ու Մանուկների դեղարվեստական դաստիարակության տան ինքնագործ խմբերը: Տեղի ունեցան նաև զբոսայգական սպորտ խմբակների և թիմերի ընկերական հանդիպումներ:

ԳԻՒԼՋԱՆԻ ՍԱՆԱՏՈՐԻԱՑՈՒՄ.— Հայկական ՍՍՌ Առողջապահության մինիստրության հանգստյան տների վարչության սանատորիան ընդունեց հիվանդների առաջին խումբը: Սանատորիայի շենքերը նորոգված են, բարեկարգված են բակերը, պուրակներն ու ծաղկանոցները: Ամառվա ընթացքում այստեղ բուժվելու են 3.000 մարդ:

Կուրորտային սեզոնն սկսվել է նաև ՀԱՄԿԵ-ի Գուլովիայի սանատորիայում:

«ԱՐՄԵՆԻԱ» ՍԱՆԱՏՈՐԻԱՑԻ ԲԱՑՈՒՄԸ.— Կիրովականի «Արմենիա» սանատորիան մայիսի 17-ին ընդունեց բուժվողների առաջին խումբը: Կարդի են բերվել և հարստացվել բուժանյակները, նորոգվել են սանատորիայի բոլոր թափները, ակումքն ու զբոսարանը, ջրավազանը: Ննջարանները կահավորված են փափուկ կահույքով և նոր մահճակալներով: Զգալի աշխատանք է կատարվում:

տարված սանատորիայի հողաբաժնի և նրա շրջակայքի բարեկարգման, կանաչապատման ու ծաղկազարդման ուղղությամբ:

Այս տարի սանատորիայում բացի ֆունկցիոնալ ներվային սիստեմի քայքայում ունեցող հիվանդներից, բուժվելու են նաև սրտի և ստամոքսաղիքային տրակտի հիվանդություններ ունեցողները: Այդ նպատակով այստեղ ստեղծվել են նոր ածխաթթվական լողարաններ, բուժման տնտեսական խումբեր: Սանատորիայում կազմակերպվել է նաև կույնացի հիվանդությունների բուժման բաժին:

Ամեն ամիս «Արմենիա» սանատորիայում Հայաստանից և եղբայրական ուսուցիչականներից փհանգստանան ու կրթվեն 200 մարդ:

ԱԽՏԱՆԱՑԻ ՀԱՆԳՍՏՅԱՆ ՏԱՆ ԲԱՑՈՒՄԸ.— Այսվերջում Ախթալայի հանգստյան տունը սկսեց նոր սեզոնը:

Ապրիլի 15-ին հանգստանալու եկան նրվանի, լենինականի, կիրովականի դործույանների, հիմնարկ-ձեռնարկությունների մի խումբ բանվոր-ծառայողներ:

Առաջին օրը հանգստացողների համար տրվեց համերգ:

Նորոգված են հանգստյան տան շենքերը, ֆիզկուլտ-հրապարակը, կարգավորված են ծառուղիները, տնկվել են դեկորատիվ ծառեր, նոճիներ, չինական վարդենիներ: Կապույցվել է նոր շենք, ուր տեղավորված է 40 մահճակալ: Հանգստյան տունն ունի հարուստ դրաղարան՝ ավելի քան 4.000 դրժով:

Յուրաղանշույ հերթափոխում Ախթալայում հանգստանալու են 250 մարդ:

ՊԱՐԳԵՎԱՏՐՈՒՄՆԵՐ ԲՍԶՄԱԶԱՎԱԿ ՄԱՅՐԵՐԻՆ

Նոր-Բայազետի շրջանի 1.458 բազմազավակ մայրեր 1950 թվականին և այս տարվա անցած ամիսներին պետությունից ստացել են ավելի քան 2.000.000 ուսուցիչ միանշանկ ու ամսական նպաստ: 1.800 բազմազավակ մայրեր պարգևատրվել են «Մայրական փառք» շքանշաններով ու «Մայրության մեդալ» մեդալներով: 20 կին արժանացել են «Հերոսուհի մայր» պատվավոր կոչման:

Հայկական ՍՍՌ Գերագույն Սովետի նախագահությունը ապրիլի 9-ի հրամանագրով պարգևատրել է նրան քաղաքի Կիրովյան, Մոլոտովյան և Սպանդարյանի շրջանների մի շարք բազմազավակ մայրերի: Ութ երեխա ծնած և դաստիարակ-

կած երեք կին ստացել են «Մայրական փառք» 2-րդ աստիճանի շքանշան, յոթ երեխա ծնած և դաստիարակած չորս կին: «Մայրական փառք» 3-րդ կարգի շքանշան, վեց երեխա ծնած և դաստիարակած տասնմեկ կին: «Մայրության մեդալ» 1-ին աստիճանի մեդալ, հինգ երեխա ծնած և դաստիարակած երեսունմեկ կին: «Մայրության մեդալ» 2-րդ աստիճանի մեդալ:

Ապրիլի 25-ի մի ուրիշ հրամանագրով, պարգևատրվել են նրան քաղաքի Միկոյանի, Մոլոտովյան և Ստալինյան շրջաններից մի ուրիշ խումբ բազմազավակ մայրեր: Ինը երեխա ծնած և դաստիարակած երկու կին ստացել են «Մայրական փառք» 1-ին աստի-

էանի շքանշան, ութ երեխա ծնած և դասախարակած երեք կին՝ «Մայրական փառք» 2-րդ աստիճանի շքանշան, յոթ երեխա ծնած և դաստիարակած երեք կին՝ «Մայրական փառք» 3-րդ աստիճանի շքանշան, վեց

երեխա ծնած և դաստիարակած քսան կին՝ «Մայրության մեղալ» 1-ին աստիճանի մեղալ, հինգ երեխա ծնած և դաստիարակած երեսուն կին՝ «Մայրության մեղալ» 2-րդ աստիճանի մեղալ:

ԳՅՈՒՂԱԿԱՆ ԲՆԱԿԶՈՒԹՅԱՆ ԲՈՒԺՄԱՍՍԱՐԿՈՒՄԸ ԲԱՐԵԱՎԵԼՈՒ ՇԱՄԱՐ

Գյուղական բժշկական տեղամասերի 15 բժիշկներ, որոնք որակավորման բարձրացման դասընթացներ են անցել Երևանի կլինիկաներում, մեկնեցին իրենց մշտական աշխատանքի վայրերը:

Մինչև տարվա վերջը Երևանի կլինիկաներում, ինչպես նաև Մոսկվայում, Լենինգրադում, խարկովում ու Թբիլիսիում մասնադիտացման և որակավորման դասընթացները կանցնեն 260 բժիշկ, որոնց մեծամասնությունը ռեսպուբլիկայի շրջաններից է:

Հայկական ՍՍՌ Առողջապահության մինիստրությունը մինչև տարվա վերջը շրջանները աշխատանքի կուղարկի 120 բժիշկ, նրանցից 60-ը մինչև այդ աշխատում էին Երևանում: Մնացած բժիշկները Երևանի բժշկական ինստիտուտի շրջանավարտներ են:

Բժիշկների թվի ավելացումը հնարավորություն կտա շրջանային հիվանդանոցներում ու պոլիկլինիկաներում բանալ նոր բաժանմունքներ, Աղինի, Վեդու, Բալինի և այլ շրջաններում կադմակերպվում են վիրաբուժական բաժանմունքներ, Կրասնոսելսկի, Մեղրու, Սիսիանի շրջաններում՝ ռենտգենոլոգիական, Գորիսի, Մարտունու, Նոյեմբերյանի շրջաններում՝ ականջի-կոկորդի-քթի բաժանմունքներ, տասը շրջաններում՝ աչքի հիվանդությունների բաժանմունքներ:

Մեղրաբերական տները մասնագետներով ապահովվելու համար մանկաբարձական դպրոցների այս տարվա շրջանավարտներից ռեսպուբլիկայի գյուղերը աշխատանքի կուղարկվեն 120 մանկաբարձուհիներ:

ՀԱՅԿԱԿԱՆ ՆՈՎԵԼՆԵՐԸ ԼԵՏՎԵՐԵՆ

Վիլնյուսում, Լիտվական Պետական հրատարակչությունը լիտվերեն լույս է բնծալել հայկական նովելների մի ստվար ժողովածու՝ ժողովածուում տեղ են գտել Գրիգոր Զոհրապի, Երուխանի, Ալեքսանդր Շիրվանդադեի, Հովհաննես Թումանյանի, Ավետիք Իսահակյանի, Դերենիկ Դեմիրճյանի, Ստեփան Զորյանի, Վ. Անանյանի, Հրաչյա Քո-

չարի, Ա. Պայազատի, Հմայակ Սիրասի, Արաքսի և այլ հեղինակների նովելներն ու պատմվածքները: Գրքի վերջում կան համառոտ ծանոթություններ և որոշ տեղեկություններ հեղինակների մասին: Հրատարակչությունը կատարված է խնամքով և բարձր հաշակով:

ԳԻՏԱԿԱՆ ԱՐՇԱՎԱԽՄԲԵՐ

Ճարտարապետական հուշարձանների պահպանման ռեսպուբլիկական կոմիտեն այս տարի խոշոր աշխատանք է ծավալել հայ ժողովրդի ճարտարապետական հարուստ ժառանգության վերականգնման և պահպանման ուղղությամբ: Խումբն սկսել է Հայկապատ գյուղի ճարտարապետական հուշարձանների վերականգնման աշխատանքները: Մեծ հետաքրքրություն փչնեկայացնում քաղաքացիական ճարտարապետության այստեղ պահպանված ամենաբարձր հուշարձաններից մեկը՝ աղբյուրը, որը կառուցվել է 1258 թվականին:

Վերականգնողների երկրորդ խումբը կմեկնի հայկական ճարտարապետության հուշարձաններով հարուստ Աշտարակի շրջանը: Այստեղ վերականգնվելու են 13-րդ դարին վերաբերող մի շարք հուշարձաններ Տեղեր գյուղում:

Այս տարի վերականգնման աշխատանքներ կկատարվեն նաև Իջևանի շրջանում: Դրանից բացի Ախթալի և Ապարանի շրջաններն են մեկնելու տնտեսական արշավախմբեր՝ ախտեղ գտնվող ճարտարապետական հուշարձանները ուսումնասիրելու:

